

楚辭

四



家嚴嘗著孝經講義至喪親之章云孝子慈孫之所
不忍聞豫議凶事甚無謂也記云居喪讀喪禮及其
時而講水之固不為晚矣嗚呼哀哉今茲辛丑春年
未及七十遽然去世也因循講義之教而執喪禮讀
之更嘆魂魄離散日疏月遠哀慕之念不能須臾忘
日甚于一日矣頃者田澤流水君為予註楚辭招魂
携所示且徵序焉披閱反復讀誦重寢篇首具論從
前皆謂宋玉代原為詞矣君斷然以為非也是屈子
為自招也引據詳明發先覺之所未言及而殆無餘

蘊其摹出於樂土之形容也實新後人之耳目意者
府君在世平素淡如修養熟久其入修門也必矣何
以知之予心既已惟思往樂土思之則神通神通則
以有感有感則彼離散者必聚必聚則死者知之亦
何疑乎噫夢覺一如死生一轍在假其形骸與不假
而已雖然假不假之際口不可言目不可視耳不可
聽者蓋有之乎君其問之屈子矣

天保十二歲次辛丑閏月 孝子奈須信意識

楚辭

招魂

林西仲曰、古人招魂之禮、爲死者而行、嗣亦
有施之生人者、屈原以魂魄離散而招、尚在
未死也、但是篇自千數百年來、皆以爲宋玉
所作、王逸茫無攷據、遂序於其端、試問太史
公作屈原傳贊云、余讀招魂、悲其志、詔悲原

西碕文庫

之志乎、抑悲玉之志乎、此本不待置辯者、乃
後世相沿不改、無非以世俗招魂皆出他人
之口、不知古人以文滑稽、無所不可、且有生
而自祭者、則原被放之後、愁苦無可宣洩、借
題寄意、亦不嫌其爲自招也、朱晦庵謂後世
招魂之禮、有不專爲死人者、如杜子美彭衙
行云、煖湯濯我足、剪紙招我魂、道路勞苦之
餘、爲此禮、以祓除慰安之、何嘗非自招乎、玩

篇首自叙、篇末亂詞、皆不用君字、而用朕字、
吾字、斷非出於他人口吻、舊註無可支飾、皆
謂宋王代原爲詞、多此一番回護、何如還他
本文所載、直截明顯、省却多少葛藤乎、故余
決其爲原自作者、以首尾有自叙亂詞、及太
史公傳贊之語、確有可據也、若係王作、無論
首尾解說難通、卽篇中亦當倣古禮、自致其
招之詞、不待借巫陽下招、致涉遊戲、且擬出

許多可畏可樂之事、茫不知原之立志、九死
未悔、不爲威惕、不爲利疚、其爲招之術、毋乃
疎乎、

朕レ幼清以廉潔ヲ、身服義而未沫ヲ

沫與昧同、莫昧反、

主此盛德、分ヲ牽於俗而蕪穢ニ

倒句法、雖牽於俗而蕪穢、然主此盛德、所以身服
義而未昧也、

王逸曰、牽引也、不治曰蕪、多草曰穢、

上無所考、此盛德兮、長離殃而愁苦、

吾有此盛德、而君不察、愁苦日久、魂魄所以離散也、

林西仲曰、此自叙招魂之由、開口道出朕字、亂詞又道出吾字、明々自招、硬坐宋玉代原自稱、不知何說、

帝告平陽曰、

假設帝言

山海海內西經曰開明東有巫彭巫抵巫陽巫履
巫儿巫相夾竇窳之尸皆操不死之藥以距之

有人在下我欲輔之魂魄離散汝筮予之

王逸曰帝告巫陽有賢人屈原在於下方我欲輔
成其志以厲黎民也屈原魂魄離散身將顛沛故
使巫陽筮問求索得而興之使反其身也

巫陽對曰掌竊上帝其命難從

掌窈上帝猶謂掌窈上帝也人窈交則有夢故此
言夢以易窈字世上皆夢也但有大覺而後知是
夢矣其命難從謂雖言上帝之命亦有不可從者
也

夢字一偏眼目故亂辭曰與王超夢陽言雲夢而陰寓夢
幻之意非眼光如電者未可與語此義也

若必筮予之恐後之謝不能復用平陽焉

林西仲曰後遲謝徂也若必待筮恐遲至徂謝不
能再用巫陽而招所以難從帝命按此益知為未
死之招矣

乃下招曰

集註曰、巫陽既對如上語、即不復筮、亦不俟帝命之可否、而徑下招於四方、庶其未遠、而或值之也

魂兮歸來、去君之恒幹、何為乎四方些

王逸曰、恒、常也、幹、體也、易曰、貞者事之幹也、何為去君之常體、而遠之四方乎

夢溪筆談曰、楚詞招魂尾句皆曰些、今夔峽湖湘及南北江獠人、凡禁咒、句尾皆稱些、此乃楚人舊

日知錄曰、地獄之說、本於招魂之篇、長土似則復又羅利之論也、

雷淵則乃山劍
樹之類也

俗卽梵語薩縛訶也三字合言之卽此字也

舍君之樂處而離彼不祥些

林西仲曰樂字應上愁苦蓋愁苦則魂散樂則魂聚故下文以種種樂招之離猶羅也不祥以四方多賊姦也

魂兮歸來東方不可以託些長人千仞惟魂是索些
山海大荒東經曰東海之外大荒之中有山名曰大言日月所出有波谷山者有大人之國有大人

之市名曰大人之堂有一大人踰其上張其兩耳
郭璞註曰平州別駕高會語云倭國人嘗行遭風
吹度大海外見一國人皆丈餘形狀似胡蓋是長
翟別種

太平廣記

四百八十一

曰永徽中使人將赴日本國海

中遇風波濤大起數十日不止隨波漂流不知所
屆忽風止波靜至海岸邊岸高二三十丈望見屋
宇爭往趨之有長人出長二丈身具衣服言語不

通見唐人至大喜、于是遮擁令入宅中、以石填門、而皆出去、俄有種類百餘、相隨而到、乃簡閱唐人膚體肥充者、得五十餘人、盡烹之、相與食、噉氣出醇酒、同爲宴樂、夜深皆醉、諸人因得至諸院、後院有婦人三十人、皆前後風漂爲所擄者、自言男子盡被食之、唯留婦人、使造衣服、汝等今乘其醉、何爲不去、吾請道焉、衆悅云々、使者及婦人並得還、遊井孝德外國傳曰、長人在東海外、紅夷曾觶其

南邊遣人汲水舟中恠其久往見之有冢甚崇高恐走還至船果有追之者長二三丈半沒水而止紅夷斷纜而走於海中得一尸中指之骨五寸許度之五倍常人焉慶長中封置甚固流抵羽州或告諸最上氏發之盛長人尸時以為不祥毋何最上氏亡蓋其俗人死棄尸海中

按今昔物語載長人尸漂着東西湊其事相類又後漢書東夷傳載甯於海中得一布衣其形如中人衣而兩袖十日代出流金鑠石些

長三丈

又海外東經曰
湯谷上有扶桑
十日所浴在壘
齒北居水中者
大木九日居下
枝一日居上枝

山海大荒東經曰大荒之中有山名曰孽搖顓祗
上有扶木柱三百里其葉如芥有谷曰溫源谷湯
谷上有扶木一日方至一日方出皆載于鳥
又大荒南經曰東南海之外甘水之間有羲和之
國有女子名曰羲和方浴日於甘淵羲和者帝俊
之妻生十日
彼皆習之魂往必釋些歸來歸來不可以託些
王逸曰釋解也言彼十日之處自習其熱魂行往

到身必解釋也。魂魄宜急來歸，此誠不可以託附留而居之也。

右言東方之不祥也。

鬼兮歸來，南方不可以止些。雕題黑齒，得人肉以祀，以其骨爲醢些。

後漢書南蠻傳曰：禮記稱南方曰蠻，雕題交趾，其俗男女同川而浴，故曰交趾。其西有噍人國。又東夷傳曰：自女王國南四千餘里，至朱儒國，自

朱儒東南行船一年至裸國黑齒國使驛所傳極
於此矣

山海海內南經曰伯慮國離耳國彫題國北胸國
皆在鬱水南鬱水出湘陵南海

又海外東經曰黑齒國在其按指青丘國北為人黑食

稻啖蛇一赤一青在其旁一曰在豎亥北

蝮蛇綦々

山海南山經曰又按指堂底山東三百八十里曰獲翼

蔣之翘曰以骨
為醢今貴州以
牛馬骨漬之經
年候其柔脆如
箕其氣遠于人
宴以為上品供

客謂之賈閭亦此類也

朝野僉載曰山南五溪黔中皆有毒蛇鳥而反皇蟠於草中其牙倒勾去人數步直采疾如激箭蟹人立死中手即斷于中虎即斷足不然則全身腫爛百無一活謂蝮蛇也

之山、其中多怪獸、水多怪魚、多白玉、多蝮蟲、多怪蛇、多怪木、不可以上、

封狐千里些、

封與豐通大也、

山海南山經曰、又按指基山東三百里曰青丘之山、其

陽多玉、其陰多青藨、有獸焉、其狀如狐而九尾、其

音如嬰兒、能食人、食者不蠱、

雄虺九首、往來儵忽、吞人以益其心、

山海海外北經曰、共工之臣曰相柳氏、九首以食
于九山、相柳之所抵厥、爲澤谿、禹殺相柳、其血腥
不可以樹五穀種、禹厥之三仞三沮、乃以爲衆帝
之臺、在崑崙之北、柔利之東、相柳者、九首人面、蛇
身而青、不敢北射、畏共工之臺、

按、此言南方、而山海收北經、不知別有所指歟、或
傳聞之異歟、

歸來、歸來、不可以久淫此、

淫淹也、右言南方之不祥也、

魂兮歸來、西方之害、流沙千里些、

山海海內西經曰、流沙出鍾山、西行又南行、崑崙之墟、西南入海、黑水之山、

旋入雷淵、糜散而不可止些、奔而得脫、其外曠字些、

王逸曰、糜碎也、言欲涉流沙、則回入雷公之室、轉還而行、身雖糜碎、尚不可得休息也、曠大也、字野也、言從雷公雖免脫、其外復有曠遠之野、無民之

赤雅曰赤蟻若象
渾耳帶火力負萬
鈞雜食虎豹蛇蟲
遺卵如斗山人取
為醬是名蚘醢見
於周官

土也

赤螳若象玄蠶若壺些

山海西山經曰崑崙之丘有獸焉其狀如羊而四
角名曰土螻是食人有鳥焉其狀如蜂大如鴛鴦
名曰欽原燕鳥獸則死燕水則枯

五穀不生叢菅是食些其土爛人求水無所得些
佯無所倚廣大無所極些
山海大荒西經曰崑崙之外有炎火之山投物輒

然郭璞註曰今去扶南東萬里有耆薄國東復五

千里許有火山國其山雖霖雨火常然火中有白鼠時出山邊求食人捕得之以毛作布今之火澣布是也卽此山類

西域聞見錄二曰土爾番夏極炎熱火線當天炎風匝地東南一帶沙山絕無草木日光照射尤不可耐俗名火熾山冬日無祁寒大雪

歸來歸來恐自遺賊些

賊害也右言西方之不祥也

淮南子 地形訓
曰北方有不釋
之冰

魂兮歸來、北方不可以止些、增冰峨峨、飛雪千里些、
西域聞見錄 一曰、雪山之在中國者、嘉峪關外東
西綿亘九千餘里、爲南北兩路之分界、至葉爾羌
愈遠峻、西南折入溫都斯坦、復折而西、直達西海、
不可考究矣、其最大而著名者、於烏魯木齊、爲博
克搭班、三峯孤峭、冰雪晶瑩、望之如琉璃、插天隔
蔽、日月於哈喇沙拉爲莫勒土斯、圍逾千里、水暢
草肥、宜於遊牧、於伊犁烏什之交、爲穆肅魯搭班、

其山皆冰望之如銀南北兩路之衝衢也於葉爾
羌爲米勒台搭班山中皆玉又西復作冰山尤險
阻爲葉爾羌溫都斯坦往來必由之孔道更有玉
山在焉其山自古積雲冰雪之水自山陽而下冬
夏湧流散漫於南路各城以資灌溉諸水皆聚於
賀卜諾爾賀卜諾爾者譯言星宿海也泉水黃赤
湧地而出望之如列星散布復經諸山冰雪之水
匯歸流入中國卽黃河也自後藏西南溫都斯坦

各國雪水經番地流入中國川江益東匯為揚子
大江也

歸來歸來不可以久些

右言北方之不祥也

鬼兮歸來君無上天些
虎豹九關啄害下人些

以崑崙為上天之路
佛家所謂須彌山是也

山海經曰海內崑崙之墟在西北帝之下

都崑崙之墟方八百里高萬仞上有木禾長五尋

大五圓、面有九井、以玉爲檻、面有九門、門有開明獸
守之、百神之所在、在八隅之巖、赤水之際、非仁羿
莫能上岡之巖、

一夫九首、拔木九千些、

山海海內西經曰、崑崙南淵深三百仞、開明獸身
大類虎、而九首、皆人面、東向立崑崙上、

按、阿修羅王之類、

豺狼從目、往來僦々些、懸人以娛、投之深淵些、

娛一作嬉許其父

山海海內北經曰袼其爲物人身黑首從目

按阿修羅之類

致命於帝然後得瞑此

帝釋有命阿修羅不能加害然後可以安眠帝釋
之命亦不易得不如勿往

歸來歸來往恐危身此

右言天上之不祥也

大五圓、面有九井、以玉爲檻、面有九門、門有開明獸
守之、百神之所在、在八隅之巖、赤水之際、非仁羿
莫能上岡之巖、

一夫九首、拔木九千些、

山海海內西經曰、崑崙南淵深三百仞、開明獸身
大類虎、而九首、皆人面、東向立、崑崙上、

按、阿修羅王之類、

豺狼從目、往來僊々些、懸人以娛、投之深淵些、

娛一作嬉許其反

山海海內北經曰侏其爲物人身黑首從目

按阿修羅之類

致命於帝然後得瞑些

帝釋有命阿修羅不能加害然後可以安眠帝釋

之命亦不易得不如勿往

歸來歸來往恐危身些

右言天上之不祥也

淮南子地祇訓西北
方曰幽都之門注曰
幽國也都聚也順
陰而聚故曰幽都
之門

畢沅曰土伯九約王
逸注約屈也凡屈難
解原必是屈之亂子
篇云短尾也說文
無屈有屈六無尾
也疑無字誤衍

魂兮歸來君無下此幽都些

幽都地府之義地下幽冥故稱幽都此以下皆謂地

獄之可畏也

土伯九約其角觶々些

土伯猶言河伯也九約蓋九尾之義呂覽孝行肉

之美者苑象之約觶々利貌此以下皆謂地獄之

可畏也

敦脈血拇逐人駢々些

王逸曰敦厚也脈背也拇手拙指也駢々走貌也

參目虎首其身若牛些此皆甘人

首楞嚴經下曰亡者神識見大鐵城火地火狗虎狼師子牛頭獄卒馬頭羅刹手執鎗稍駛入城門歸來歸來恐自遭災些

右言地下之不祥也

魂兮歸來入脩門些

脩長也謂長久可住之門即屈子說出自家之樂土也非說出屈子之樂土也假巫陽之口而說出彭咸之樂土也故離騷曰吾將從彭咸之所居非說出彭咸之樂土也彭咸述而不作說出黃帝之樂土也釋迦和尚說如來壽量品曰常住此說法彭咸化胡在殷代則非釋迦和尚之樂土也亦黃帝之樂土也今茲壽山仙君升遐我儼然在喪服之中古云居喪讀喪禮已葬讀祭禮於是取屈子招魂讀之意者仙君修養已久其住樂土不容疑焉欲其嗣子信德知仙君常住之樂土也故旁注其樂略云

干祝招君背行先些

工巧也男巫曰祝背倍也史記

高祖

太公擁篲迎

門却行高祖古有却行之禮

次陳樂土之勝弊分為六科一堂室

太子逢迎却行為導

秦箒齊縷鄭綿絡些

王逸曰箒絡縷綫也綿纏也絡縛也言使秦人織

其箒絡齊人作紩縷鄭國之工纏而縛之堅而且

好也

招具該備永嘯呼些

該亦備也嘯呼即所謂臯也

吳語曰王命工以良金鑄范蠡之狀而朝禮之浹日而令大夫朝之是也

魂兮歸來反故居些天地四方多賊姦些

如上所陳也

像設君室靜閑安些

楚俗人死則設其形貌於室而祠之

此法也

君一作居

高堂邃宇檻層軒些

檻猶也從曰檻橫曰楯軒版也

層臺累榭臨高山些

層累皆重也。無木謂之臺，有木謂之榭。

網戶朱綴刻方連些。

集註曰：網戶者，以木爲門扉，而刻爲方目，使如羅網之狀，卽漢所謂罽毼，而程泰之以爲今之亮隔，其旣是也。朱綴者，以朱丹飾其交綴之處，使其所刻之方，相連屬也。

冬有突厦，夏室寒些。

爾雅：東南隅謂之突，厦，大屋也。

川谷徑復流潺湲些光風轉蕙一ノル記崇蘭些アリ經堂入奧
朱塵筵些アリ

徑過也復反也光風謂雨已日出而風草木有光
也記控動貌也塵承塵也筵竹席也

砥室翠翘挂曲瓊些翡翠珠被爛齊光些

集註曰砥礪石也穀梁云天子之楠斲之襲之加

密石焉注云以細石磨之

翹鳥尾長毛也曲瓊玉鉤也被衾也

莠阿拂壁羅幃張些纂組綺縞結琦璫些

莠莠席阿曲隅也拂薄也纂組絞類也纂似組而

赤綺文縞也縞細縞也言幃帳皆用綺縞又以纂

組結束玉璫爲飾也

室中^{二侍女}之觀多珍怪些蘭膏明燭華容備些二八侍宿

射^{トハ}遞代些

王逸曰二八二列也言大夫有二列之樂故晉悼

公賜魏絳女樂二八歌鍾二肆也射獸也詩云服

之無射、逸更也、言使女十六人侍君宴宿、意有厭
倦、則使更相代也、

九侯、淑女多、迅衆些、盛鬋不同制、實滿宮些、

九侯、淑女、設言商九侯之女入之紂而不喜淫者
也、迅衆、奔走便捷過于衆也、鬋鬋也、制法也、

容態好比、順彌代些、弱顏固植、寡其有意些、

比親也、彌猶竟也、自始來至代去、柔順如一也、植
立也、寡語詞、有意、中禮意也、

姱容脩態、頤洞房些、蛾眉曼睩、目騰光些、

姱好貌、脩長也、頤竟也、洞閑也、曼澤也、睩視貌、

靡顏膩理、遺視聯些、離榭脩幕、侍君之間些、

林西仲曰、靡精緻也、膩細滑也、遺視竊視也、聯脉

也、脉為藏府之氣、分流四支者、言竊視間無不審

也、在洞房別榭、長幕中、俟君有暇而命代、又往侍

也、此分言室中之侍女皆美而慧

三堂中結構、

翡翠帷帳飾高堂些、紅壁沙版、玄玉之梁些、

沙丹砂也、

孫鑛曰、說文、紅帛赤白色、即今俗呼桃紅也、若今所謂紅、古直謂赤耳、

仰觀刻桷、畫龍蛇些、坐堂伏檻、臨曲池些、

桷、椽也、春秋刻桓宮桷、此蓋刻爲龍蛇而彩畫之也、伏、憑也、上是仰觀、此是俯臨、曲池、即上文引川谷之流而爲之者也、

芙蓉始發雜芰荷些紫莖屏風文緣波些

芙蓉芰荷見離騷經屏風水葵也又名鳧葵又名
防風即荇菜也生水中莖紫色風起水動波緣其
葉上而生文也

文異豹飾侍陂池些軒輶既低步騎羅些

言侍從之人皆衣虎豹之皮異采之飾從君遊陂
池平漫之處軒輶皆輕車名也凡車侍駕前方低
而未昂也羅列侍發是侍衛之衆多

秘府略八百六十四
梁作梁為是

蘭薄セマツリ戶樹瓊木ハエ離アリ些ハ魂兮歸來何遠ハルヘク為些ハ

薄迫也樹種也

四飲食

室家逐宗食多方些ヤリ稻粱稱麥アヒ黃粱些アヒ

室家中欲逐宗人之歡而烹飪多有方法也粱稷

也稱擇也挈糲也黃粱號為竹根黃合而為飯是

治五穀之方

大苦鹹酸辛甘アハ行些ハ肥牛之腓アハ膋若芳些ハ

言五味既調也。腓筋頭也。腓若熟爛也。

和酸若苦陳吳羹些。肺フヤキ鼈炮フヤキ羔有柘漿些。

言吳人工作羹也。肺炙也。炮合毛裘物而燒之也。

羔羊子也。柘諸蔗也。言復以飴蜜肺鼈炮羔令之

爛熟取諸蔗之汁爲漿飲也。柘一作蔗。

鵠酸臠シヤリテ鳧シヤリテ些。露雞臠シヤリテ鴈而不夾些。

集註曰。鵠鴈鵠也。酸以酢漿烹之爲羹也。臠臠少

汁也。鳧野鴨也。鴈鴈也。鵠鵠也。露雞露棲之

鷄也。有菜曰羹，無菜曰臠。蠟，大龜之屬也。屬，列也。爽，敗也。楚人名羹敗曰爽。老子曰：五味令人口爽。糒，糒蜜餌，有餠餠些。

集註曰：糒音巨，糒音女，一音汝。糒，糒環餅也。吳謂之膏環，亦謂之寒具，以蜜和米麴煎熬作之。餌，擣黍爲之。方言謂之饅者也。餠，餠餠也。以麴熬米爲之，亦謂之餠。此則其乾者也。

瑤漿露勺，實羽觴些。

爵也

集註曰、瑤漿、漿色如玉者、羅見禮經、通作冪、以疏
布蓋尊也、勺挹酒器也、實滿也、羽觴、飲酒之器、爲
生爵形、似有頭尾羽翼也、言舉冪用勺、酌酒而實

^己挫糟凍飲、耐清涼些、

王逸曰、挫、捉也、凍、冰也、耐、醇酒也、言盛夏則爲覆
甕、乾釀、捉去其糟、但取清醇、居之冰上、然後飲之、
酒寒涼、又長味、好飲也、

華酌既陳、有瓊漿些、歸反故室、敬而無妨些、
酌酒斗也、瓊漿即瑤漿也、

五歌舞

肴羞未通、女樂羅些、匱鍾按鼓、造新歌些、
羞進也、通徹去也、匱一作陳、

涉江采菱、發揚荷些、美人既醉、朱顏酡些、

涉江采菱、揚荷皆新歌名、酡飲而赭色著面、

娛光眇視、目曾波些、

娛戲也。一作嬉。眈眈也。半醉半醒嬉戲。目光如波。
紋之轉。曾與層同。

被文服。纖麗而不奇些。長髮曼鬋。豔陸離些。

王逸曰。文謂綺繡也。纖謂羅縠也。麗美好也。不奇。

奇也。猶詩云不顯。顯也。曼澤豔好貌也。

左氏傳曰。宋華督見孔父之妻。目逆而送之曰美。

而豔。言美人長髮工結。鬋鬢滑澤。其狀豔美。儀貌。

陸離而難具形也。

二八齊容起鄭舞些。在若交竿撫案下些。
二八見上鄭舞鄭國之舞也。在交襟也。言舞人迴
轉衣襟相交如竹竿以手抵按而徐下行。

竽瑟狂會。塤鳴鼓些。宮庭震驚發激楚些。
狂猛也會並作也。塤擊也。激楚清淒之曲名。

吳歈蔡謳奏大呂些。

林西仲曰。歈謳皆歌之別調。大呂爲六呂之一。正
音也。以清淒之曲不宜久奏。又參以吳蔡二國別

調之歌而卒歸於六呂之正音方止

六雜戲

士女雜坐亂而不分些故陳組纓班其相紛些

歌舞既畢猶恐不能盡歡故令歌舞之女與賓雜坐不定次序以忘分爲樂也組纓也纓冠系也放而陳諸他處謂除去衣冠也班次紛亂也

鄭衛妖玩來雜陳些激楚之結獨秀先些

妖玩妖玩可玩之女也結頭髮也激楚之結蓋歌

舞此曲者之飾也。秀先言秀異而先進於衆也。

篴簫象棊有六篴些。分曹並進ヒツツテ迺相迫些セツル成梟而卒。

呼五白些。晉制犀比ツ費白日些フシツカシ鏗鐘フシツカシ擗簾ナラス揆梓瑟些。

集註曰。篴竹名。簫字從竹。篴箸也。博雅云。投六箸。

行六棊。故爲六篴也。言宴樂既畢。乃設六篴以篴。

路作箸。象牙爲棊也。曹偶也。迺亦迫也。投箸行棊。

轉相迺迫。使不得擇行也。倍勝爲卒。五白。篴齒也。

言已棊已梟。當成卒勝。故呼五白以助投也。晉制。

犀比謂晉國工作簿某著比集犀角以爲雕飾費
耗也費白日言博者爭勝耽著不已耗損光陰也
鏗撞也搖動也簾懸鍾格揆轢也

娛酒不廢沈日夜些蘭膏明燭華鏗錯些

廢輟也沈溺也夜字根上費白日句來華鏗置燭
之錠夜飲所需徐鉉曰錠中置燭故謂之鏗華謂
其刻飾華好或爲禽獸之形也錯置也

結撰至思蘭芳假些人有所極同心賦些

集註曰、撰述也、假大也、謂結述其深至之情思、爲詞以相樂、如蘭芳之甚大也、極傾倒、竭盡也、賦者、不歌而誦其所撰之詞也、蓋人各以其所極、而同心陳之也、

耐飲盡歡樂先故些

黃帝作之、彭咸述之、謂之先故、猶言舊事也、陳嬰母曰、汝家先故、未曾貴、此曰道統、陳嬰母曰、世系所指不同也、

屈兮歸來反故居些

離騷曰吾將從彭咸之所居是也巫陽之詞止此

亂曰獻歲發春兮汨吾南征菰蘋齊葉兮白芷生

獻歲言歲始來進也汨于筆反去貌屈子以仲春

遷江南菰與蘋通蘋芷皆新春景物

路貫廬江兮左長薄倚沼畦瀛兮遙望博

貫穿過也廬江長薄皆地名左者行出其右也倚
依也沼池也畦猶區也瀛池中也楚人名池澤爲

瀛路上或立於沼畦瀛之間而遠望無人民所見
甚廣也

昔驪結駟兮齊千乘
燦火延起兮玄顏烝

屈子南征夢與楚王遊獵覺而有感此篇之所以
作也楚有夢澤屈子假其名以寓夢意後來宋玉
作高唐賦亦假夢澤以寓夢意本屈子之意也古
來註者不知屈子夢中景象也而種々鑿訛反如
癡人託夢也

王逸曰、純黑為驪、結連也、四馬為駟、齊同也、言屈

原嘗按當與與君俱獵於此、官屬齊駕駟馬、或青

夢字看

或黑、連車千乘、皆同服也、懸火、懸鐙也、玄天也、言

已時從君夜獵、懸鐙林木之中、其火延燒於野澤、

煙上烝天、使之黑色也、

步及驟處、分誘騁先抑驚、若通兮、引車右還、與王趨

夢兮、課後先、君王親發兮、憚青兕

集註曰、步及驟處、步行而及驟馬所至之處、言走

之疾也。誘蓋爲前導而馳騁以先誘獵衆。若儀禮射儀之有誘射也。若順也。止馳騁者使順通獵事。引車右轉以射獸之左也。夢澤名。楚有雲夢澤。方八九百里。跨江兩涯。雲在江北。今玉沙監利景陵等縣是也。夢在江南。今公安石首建寧等縣是也。憚懼也。兕似牛。一角青色。重千斤。言王親發矢以射青兕。中之而懼走也。

朱明承夜兮。時不可淹。皋蘭被徑兮。路漸

朱明日也承續也淹久也阜澤也被覆也徑路也
漸沒也言春夜將曉阜蘭路段而夢始覺也京極
黃門詩曰春夜乃夢浮橋止絕為嶺耳別留橫雲
乃空

湛湛江水分上有楓目極千里兮傷春心

楓木名也似白楊葉圓而歧言春夢方覺結駟千
乘皆鳥有所極目唯江水青楓千里耿然豈可不
傷心乎

魂兮歸來哀江南

此魂非屈子之魂招楚王之魂也屈子傷心不能
自禁意楚王魂已離散國步日蹙因招王魂曰庶
幾歸來哀憐此江南之民屈子身在江南故就其
所目見者發言騷人之情固如是非不思郢都也
即爲後作大招張本千古奇文人無解之者矣

天保辛丑閏月三日起

華六日卒業

一汙遺墨淚沾巾此老不染
世上塵豈羨丹鳳傳榮命唯
餘白鶴伴孤身天生君子輔
皇極地縱開後養本真營魄
功成意乘着招魂誦已想元
親

仲氏今年早春一聯云天生君子輔皇極地
縱開人養本真余以手澤書揭在壁間盤生
橘原仁菴見之稱讀不已諸余續為一律只
恐貂狗不屬貽笑後人余時草屈子招魂篇

注故語及之云

田澤仲舒稿

見

如
如
意
來
善
此
點
能
了
點
元

皇
跡
此
點
開
必
着
本
真
營
點

鐘
白
籀
邦
所
良
天
主
民
子
轉

注
故語及之云

廿
上
聖
豈
美
丹
鳳
點
榮
命
和

曰
澤
仲
舒
稿

一
元
豐
墨
成
古
巾
北
孝
不
殺

三日起

吉井元化

星のうねる電のまゝと

花のまらなうそれ

まのゆふと山

うくたさめ

